



Broj: 01-05-12-2274-5/16
Maglaj, 31.01.2017. godine

Na osnovu čl. 70. Zakona o javnim nabavkama („Sl. glasnik BiH“, broj 39/14) a u vezi sa Zapisnikom o pregledu i ocjeni ponuda broj 01-05-12-2274-4/16 od 30.01.2017. godine Komisije za nabavku u postupku javne nabavke „Izrada Elaborata – Katastar objekata vodosnabdijevanja općine Maglaj, sa prijedlogom sistema organizacije, nadzora i reagovanja u kriznim situacijama“, Općinski Načelnik d o n o s i

O D L U K U
o odabiru najpovoljnije ponude

I

Najpovoljnija ponuda u postupku nabavke usluga „Izrada Elaborata – Katastar objekata vodosnabdijevanja općine Maglaj, sa prijedlogom sistema organizacije, nadzora i reagovanja u kriznim situacijama” je ponuda ponuđača Zavod za javno zdravstvo Federacije BiH Sarajevo u ime Konzorcija koji čine Zavod za javno zdravstvo Federacije BiH Sarajevo i Institut za hidrotehniku d.d. Sarajevo, po cijeni od 29.000,00 KM (slovima: dvadesetdevet hiljada i 00/100 konvertibilnih maraka) bez uključenog PDV-a, obzirom da ponuđač nije registrovan kao obveznik indirektnih poreza.

II

Ponuda je dostavljena u postupku Konkurentskog zahtjeva za dostavu ponuda objavljenom na Portalu javnih nabavki dana 30.12.2016. godine pod brojem 1140-7-2-45-3-43/16, kriterij za dodjelu ugovora je najniža cijena tehnički zadovoljavajuće ponude.

III

Obavezuje se odabrani ponuđač da ugovornom organu u roku od 7 dana po prijemu ove odluke dostavi potrebnu dokumentaciju kojom dokazuje svoju ličnu sposobnost iz člana 45. stav 1. tačka a) do d) Zakona o javnim nabavkama u originalu ili ovjerene kopije (svaki član Konzorcija za sebe), ugovor o radu ili druga vrsta ugovora o angažmanu diplomiranog inženjera geodezije, diplomiranog inženjera geologije, diplomiranog inženjera hidrotehnike i GIS eksperta na predmetnom ugovoru; kopije diploma, kao i vjerodostajan dokument/te iz kojeg/ih će se nedvosmisleno vidjeti da angažovani diplomirani inženjeri kao i GIS ekspert imaju najmanje pet godina iskustva u struci na istim ili sličnim projektima; sertifikat o akreditaciji ponuđača u skladu sa zahtjevima standarda BAS EN ISO 17025 sa područjem akreditacije koje pokriva uzorkovanja i analize opisana u Aktivnosti 2. Uzorkovanje i analiza vode za 100 vodoopskrbnih objekata iz Projektnog zadatka (propisno ovjeren u skladu sa zakonom); vjerodostajan dokument/te iz kojeg/ih će se nedvosmisleno vidjeti da ponuđač ima na raspolaganju odgovarajuće terenske mjerne uređaje upisane u dostavljenom obrascu Izjave iz člana 50. Zakona o javnim nabavkama kao i Aneks iz člana 4. dostavljenog Ugovora o konzorciju (ovjeren od strane nadležnog organa ili notara).

IV

Za realizaciju ove odluke zadužuje se Komisija za javnu nabavku u predmetnom postupku.

V

Ova Odluka stupa na snagu danom donošenja i u skladu sa članom 71. stav 2. Zakona o javnim nabavkama dostavlja se svim ponuđačima koji su učestvovali u postupku javne nabavke.

VI

Prema članu 70. stav 6. Zakona o javnim nabavkama ova odluka objavit će se na web stranici Općine Maglaj www.maglaj.ba

Obrazloženje

Postupak javne nabavke usluga „Izrada Elaborata – Katastar objekata vodosnabdijevanja općine Maglaj, sa prijedlogom sistema organizacije, nadzora i reagovanja u kriznim situacijama” pokrenut je Odlukom broj. 01-05-12-2274/16 od 23.12.2016. godine. Odabran je konkurentski zahtjev za dostavu ponuda koji je objavljen na Portalu javnih nabavki dana 30.12.2016. godine pod brojem 1140-7-2-45-3-43/16, procijenjena vrijednost javne nabavke bez PDV-a je 25.641,02 KM, a kriterij za dodjelu ugovora je najniža cijena tehnički zadovoljavajuće ponude.

U roku ostavljenom za dostavu ponuda pristigla je jedna ponuda, ponuđača Zavod za javno zdravstvo Federacije BiH Sarajevo u ime Konzorcija koji čine Zavod za javno zdravstvo Federacije BiH Sarajevo i Institut za hidrotehniku d.d. Sarajevo

Komisija za nabavku u predmetu javne nabavke usluga „Izrada Elaborata – Katastar objekata vodosnabdijevanja općine Maglaj, sa prijedlogom sistema organizacije, nadzora i reagovanja u kriznim situacijama” imenovana rješenjem Općinskog načelnika broj 01-05-12-2274-1/16 od 23.12.2016. godine je dana 17.01.2017. godine izvršila javno otvaranje pristigle ponude, o čemu je sačinila zapisnik sa otvaranja ponuda i isti prosljedila ponuđaču.

Komisija je istog dana na zatvorenoj sjednici izvršila pregled i ispitivanje sadržaja pristigle ponude s obzirom na iskazane zahtjeve ugovornog organa u konkurentskom zahtjevu za dostavu ponuda i konstatovala određene nejasnoće u dostavljenoj dokumentaciji, a vezano za popunu obrasca Izjave iz člana 50. Zakona o javnim nabavkama, te zatražila pojašnjenje ponuđača. Po zaprimanju zahtjeva za pojašnjenje oba člana Konzorcija ponuđača su dostavila pojašnjenje dostavljene ponude, u smislu da je pri popuni obrasca predmetne Izjave s njihove strane načinjena greška i da oni kao ponuđač prihvataju pri pružanju predmetnih usluga preduzimanje mjera za upravljanje zaštitom okoline i mjera energetske efikasnosti.

Nakon toga Komisija je pristiglu ponudu ocijenila kao formalno pravno ispravnu i kompletnu po sadržaju, te nastavila sa analizom iste i konstatovala da je dostavljena ponuda tehnički zadovoljavajuća i cjenovno prihvatljiva, odnosno uklapa se u procijenjeni iznos predmetne nabavke.

Na osnovu prednjeg Komisija je Zapisnikom o pregledu i ocjeni ponuda broj 01-05-12-2274-4/16 od 30.01.2017. godine preporučila Općinskom načelniku da se u predmetu javne nabavke usluga „Izrada Elaborata – Katastar objekata vodosnabdijevanja općine Maglaj, sa prijedlogom sistema organizacije, nadzora i reagovanja u kriznim situacijama” donese odluka o odabiru najpovoljnijeg ponuđača i da se kao najbolje ocijenjena prihvatljiva ponuda za predmetne usluge određuje ponuda ponuđača Zavod za javno zdravstvo Federacije BiH Sarajevo u ime Konzorcija koji čine Zavod za javno zdravstvo Federacije BiH Sarajevo i Institut za hidrotehniku d.d. Sarajevo, te da se sa istim zaključi ugovor za vršenje usluga iz predmeta javne nabavke.

Da ponuđač nije u registrovan u sistemu PDV-a, odnosno da nije obveznik plaćanja indirektnih poreza, utvrđeno je na osnovu uvjerenja Uprave za indirektno oporezivanje broj 04/5-1/II-17-109-6163/16 od 21.12.2016. godine.

Na osnovu izloženog a primjenom člana 64. stav 1. tačka b) Zakona o javnim nabavkama („Sl. glasnik BiH“, broj 39/14) odlučeno je kao u dispozitivu odluke.

Pouka o pravnom lijeku:

Ponuđač ima pravo da na ovu odluku izjavi žalbu Uredu za razmatranje žalbi Bosne i Hercegovine, putem ugovornog organa, u roku od 5 dana od prijema iste, na način propisan Zakonom o javnim nabavkama.

OPĆINSKI NAČELNIK
Mirsad Mahmutagić

Dostavljeno:

1. Ponuđač
2. Komisija za javnu nabavku
3. Općinski načelnik
4. U spis
5. Arhiva.